

光緒吉林通志

吉林通志卷九十七

人物志二十六

國朝十一

達爾漢

鄂羅塞臣

察哈喇

子富刺克塔

葉喜

諸孫陳布祿

恩格圖

甘都

舒賽

子西爾

哈宵阿

翁子伊克慎
族孫噶布喇

達珠瑚

子翁阿岱

布丹

法諱

託克推

景固爾岱

從弟崇阿

錫圖庫

康喀賚

子錫納海

孫達理

薩璧翰

子喀爾沁
子扈查祿

孫哈爾弼
孫孟寶

弟瑚什

費揚武

吳達禮

弟伊博克圖
子伊爾都 從弟

雅賴、雅海

武善

達爾漢姓郭絡羅氏沾河寨長揚舒

太祖時率所部來歸尙長公主爲額駙初隸滿洲鑲黃旗後
改正藍旗從征尼堪外蘭以計破薩爾滸城擒其長
納喇數立戰功而卒

太祖臨其喪重借之者其父也達爾漢長公主出初任佐領
尙和碩公主爲額駙從征葉赫誅其貝勒錦台什復
累戰功授一等男爵

太宗嗣位擢列八大臣任鎮黃旗都統隨大貝勒代善征扎魯特部單騎追擒其台吉復征棟揆俘古穆楚赫爾杜喀爾代青多爾濟三塔布囊父子晉子爵天聰元年大軍征朝鮮克義定安三州斬其府尹李莞等國王李倅請和與都統納穆泰等莅盟師旋

太宗宴勞之尋從

太宗攻明錦州有功貝勒阿巴泰以

賜宴時不得與大貝勒並列使達爾漢以恥與子弟雜坐聞先是

太祖命次子代善猶子阿敏第五子莽古爾泰同

太宗佐理國政以齒稱大貝勒二貝勒三貝勒

四貝勒位羣臣上及阿巴泰之請

太宗謂達爾漢曰爾宜勸諭之奏朕何爲未幾察哈爾使臣
昂坤等來歸故事當設宴阿巴泰復使納穆泰申前
請

太宗以達爾漢有啟導貝勒之責前此不能勸諭而以其言
奏

命解都統任尋復之三年從攻明遵化以本旗兵攻北城之
西克之明年放漢奈曼諸蒙古兵攻明昌黎不克

詔與都統喀克都哩率千人馳赴至仍相持會永平灤州皆

下

命班師遂焚其近城廬舍而還五年

太宗詔八大臣陳政事闕失奏言臣以微賤猥廁大臣之列
國家果有過舉豈敢不言闕失本無指陳何自至於小
民咨怨實有由來從古無政治和平而致怨者臣請
自今洗心正己矢公審斷以協羣情凡有所見必舉
以

聞用圖報稱其秋從攻明大凌河城以本旗兵圍北隅之
東深溝峻壘與都統楞額禮環而守之敵步騎五百
出戰率八十人逆擊敗去明日復出再擊敗之敵墮

濠死者百餘明年從

太宗親征察哈爾軍次哈納崖所從蒙古二人盜良馬六奔
察哈爾告大軍將至林丹汗舉部西驅歸化城富戶
及牲畜渡黃河而去坐家人漏洩降爵一等男七年
明登州參將孔有德以所部及戰艦來降奉

命與都統篇古駐兵江岸守其船明年復從征察哈爾遂入
明上方堡毀邊牆略朔州分兵抵宣府右衛是年

詔免功臣徭役達爾漢與焉並增給佐領下人戶九年

太宗遣諸貝勒征明山西

命同都統阿山等營明甯錦扼要牽制其兵不得西援遇敵

兵八百擊敗之斬錦州副將劉應選凱旋

賞所俘獲崇德元年都統篇古拜音圖譚泰葉臣阿山石廷柱勅都統伊爾登謾謗諸王及大臣事下法司達爾漢助伊爾登爲之證辨其辭先後互異坐罰鍰尋隨武英郡王阿濟格征明率本旗兵攻順義縣先登晉爵一等子旋以克城不謀固守復陷於敵縱兵離伍爲敵所殺坐奪俘獲且罰鍰其冬從征朝鮮明年坐朝鮮王李侖謁

太宗時亂班釋甲於

朝言不飲酒出輒私飲並失察徇情諸罪應罰鍰追奪

賞賜得

旨罰銀六年隨鄭親王濟爾哈朗等征明錦州師還坐王召
議禦敵不卽至護軍統領鼐拜擊敗明兵謂爲豫親
王多鐸所敗且嫉副都統翁阿岱等與諸護軍爭功
黜爵罷都統任順治元年卒年五十有五子鄂羅塞
臣自有傳

鄂羅塞臣敢戰有父風天聰元年從其父征明錦州
有功任護軍參領三年從征明燕京借護軍統領哈
宵阿破巡撫袁崇煥營

太宗嘉之授騎都尉世職明年署副都統事隨貝勒阿巴泰

等守永平取糧於野明兵自開平衛至與戰敗之五年從圍明大凌河城數敗城中兵出戰者八年隨貝勒薩哈廉略明山西邊境至崞縣過敵先衆擊之斬前鋒騎四虜其馬累功晉世職二等輕車都尉崇德元年從征朝鮮與副都統薩穆什克等敗其援兵明年列議政大臣三年隨豫親王多鐸征明甯遠有功既而王至中後所將往會鄭親王濟爾哈朗軍爲明總兵祖大壽所襲參領翁克等及隨征土默特部兵先奔鄂羅塞臣偕護軍統領哈甯阿等且戰且進士卒有死傷者坐削世職罰鍰六年隨征明圍錦州坐

聽從睿親王多爾袞等遣卒私歸及離城遠駐罰銀
其夏復隨鄭親王圍錦州殲明樵采者連敗經略洪
承疇松山援兵而祖大壽以步兵出犯我鑲黃旗營
我左翼騎兵避敵不與戰同參領阿桑喜率護軍直
前搏擊久之敗去肅親王豪格欲爲左翼諱睿親王
附和之並使謂鄂羅塞臣曰所敗明兵勿言皆護軍
力亦勿言戰時未見騎兵也於是功罪並置明年事

聞

太宗罰睿親王銀五百兩肅親王千兩予鄂羅塞臣復授二
等輕車都尉世職擢副都統八年偕參政巴都理征

黑龍江定其地順治元年凱旋

世祖遣近臣明安達禮迎勞以所獲戶口分隸八旗明年隨
大軍擊流賊李自成師抵潼關賊嬰城守先登克之
斬賊無算五年奉

命統兵駐滄州其冬隨英親王阿濟格擊叛鎮姜瓖明年錄
敘世效勞績舊臣晉世職一等

詔鄂羅塞臣和碩公主子

特恩晉男爵世襲罔替尋擢本旗蒙古都統兼刑部侍郎再
遇

恩詔晉爵二等子七年坐讞獄徇情罷侍郎任明年授都察

院左都御史未幾罷專管都統事十三年以疾乞休
慰留之十六年同安南將軍明安達禮率兵駐防荊州會鄭
成功犯江甯借明安達禮下援戰揚子江勝之明年
還京仍任都統康熙三年卒贈太子太保

賜祭葬如故事諡果敏子鄂武渾襲貝勒官都統鎮南將軍
察哈喇父常舒亦長沾河寨蓋揚舒之兄而察哈喇
於達爾漢則從兄弟也

太祖以常舒爲佐領隸滿洲鑲黃旗後改鑲白旗旣卒察哈
喇嗣其任

太祖卽位列十六大臣佐理正紅旗事天聰三年從大軍征

明取遵化薄燕京明年旋師取永平灤州

命大貝勒阿敏等守永平都統納穆泰等守灤州以察哈喇
署都統率蒙古左右翼兵守遵化其夏與都統武納
格設伏敵樵采所由敗之獲馬二百餘明將以步騎
四千奪大安口借武納格與戰斬殪甚眾明兵陷灤
州納穆泰等走永平阿敏度不能禦檄遵化棄城借
歸會敵兵已逼城下同都統鄂本兌等突圍出全師
以還五年

命都統楞額禮等征明南海島察哈喇率兩紅旗兵與俱次
海濱獲敵船未足濟師因暫駐敵兵猝渡海來犯佐

領穆世戰沒亟麾眾奮擊而別遣人沈其船敵卻趨
船不得溺死大半六年隨大軍略明宣府大同邊境
分兵略歸化城進瀆大河

命同承政車爾格以兵五百爲前鋒且備船濟師其冬偕承
政巴篤理往朝鮮議職貢歲額九年隨貝勒多鐸征
明錦州與都統阿山參領吳拜等率兵四百前驅遇
明兵三千於大凌河列陳相持遣騎告貝勒貝勒統
師馳赴敵望見驚潰與阿山等分道追擊擒斬甚夥
凱旋分

賜所俘獲逾年卒子富喇克塔任佐領兼都察院理事官崇

德八年擢工部參政兼參領順治元年授正藍旗滿洲副都統旋擢本旗都統隨睿親王多爾袞入山海關擊敗流賊李自成追敗之望都授騎都尉世職其冬隨豫親王多鐸追自成至潼關賊黨劉宗敏據山列陳偕都統拜音圖以礮擊潰之賊犯我蒙古營督兵逆戰幾盡殲之明年移師征江南與都統阿山馬喇希率兵先驅走泗州北淮河橋明兵進克揚州三年隨貝勒博洛征浙江以雲梯克處州進征福建偕都統漢岱克分水關趨泉州連敗敵眾招撫州一縣三兼一雲騎尉五年都統巴哈納等遵例奏授佐領

吉賽爲護軍統領坐扶同解都統任尋隨征南大將
軍譚泰討江西叛鎮金聲桓次九江賊眾迎戰擊敗
之獲戰艦百餘偕都統何洛會截賊運道奪糧艘二
百進攻南昌聲桓與其黨王得仁糾賊七萬離城扼
要隘督眾以沙船二十薄其城明年賊平凱旋卒於
道先是遇

恩詔晉世職輕車都尉七年諭江西功晉一等子福克都襲
葉喜者察哈喇從子也父布哈圖世管佐領崇德三
年葉喜以前鋒參領從征明有功五年從圍錦州連
敗松山援兵順治元年隨英親王阿濟格追流賊至

延安府城內賊兵出犯擊敗之復追賊至承天府獲
船四借前鋒統領哈爾阿自大江追賊至富池口擊
敗賊眾盡獲其船復登岸擊賊步騎並敗之三年隨
豫親王多鐸討叛酋騰機思戰博爾哈土山手斬七
級招降喀爾喀塔什二十五戶進擊土謝圖汗兵陳
沒

贈護軍統領

子騎都尉世職猶子額爾遜襲而察哈喇諸孫曰陳布祿崇
德間以佐領兼理事官數從大軍轉戰關內外有功
順治三年擊賊漢中借鄂莫克圖敗賀珍兵隨肅親

王豪格征流賊張獻忠於四川連戰皆勝以功兼兩
遇

恩詔授騎都尉世職十一年從平浙江舟山晉世職輕車都
尉十七年卒

恩格圖科沁蒙古人世居哈達

太祖時挈家來歸授佐領隸滿洲正紅旗與參領阿岱駐伊
蘭布里庫防蒙古游牧者以十人巡徼海濱遇敵百
人追斬殆盡聞明兵千餘犯海州率兵三百馳擊敗
之其以少勝眾多類此天聰三年從

太宗征明燕京其總兵滿桂等赴援先眾與戰有功尋薄遊

化破山嶺敵營入大安口並爲軍鋒授輕車都尉世職擢兵部承政考滿晉世職二等旋授本旗蒙古都統崇德元年隨武英郡王阿濟格征明偕阿岱等分率甲士設伏其三屯營守備率兵來偵伏發圍而殲之尋與都統譚泰等征朝鮮以雲梯登其城敵兵潰走大獲以歸先是隨武英郡王戰松山正藍正白鎮白三旗陳亂徇不舉發師旋不俟後隊先行出邊猝遇敵戰敗坐奪俘獲罰鍰及征朝鮮在軍方食奉

召不卽赴且不嚴束步伍致斲卒妄行爲敵所殺論鞭百詔免之罰贖三年隨貝勒岳託征明密雲距牆子嶺五里率

兵先諸將越高峯入邊破敵五年隨鄭親王濟爾哈
朗等圍明松山城敵以夜來襲率本旗兵力戰敗之
六年從

太宗征明錦州其經略洪承疇合軍赴援營松山
命與前鋒統領吳拜等分擊之諸軍旣進稱未奉

上命不至所期地將戰披氊而坐遇敵不前師旋論罪應褫
職罰鍰得

旨免褫職罰如律又論攻明錦州敵犯鑲黃旗貝子尼堪失
察我兵怯戰者徇隱不以

問應罰鍰

太宗以諸王貝勒及大臣等久駐錦州積有勞勩凡罪宜予寬宥於是亦免議

命更番駐守松山順治元年從入山海關擊敗流賊李自成
明年晉世職一等兼一雲騎尉隨豫親王多鐸追破
流賊於潼關賊夜犯正黃旗營率兵往援俘斬甚衆
軍還賊復分躡我後嚴而與戰四接皆勝進征江南
破明將鄭鴻遠於瓜州隨端重親王博洛下浙江大
破敵衆獲舟三十五旋攻克嘉興府與都統馬喇希
進圍崑山縣敵兵迎戰連敗之克其城三年晉男爵
隨征福建偕都統漢岱及副都統鄂羅塞臣招降府

二縣十有三遣軍助擊敵帥吳凱兵萬餘攻克分水關戰南靖縣復捷累功晉爵二等男尋晉一等五年征江西叛鎮金聲桓卒於軍子鄂爾濟圖幼以兄子克什圖襲遇

恩詔晉爵子十八年分授克什圖騎都尉

命鄂爾濟圖襲一等男

甘都蒙古人世居長白山自其高祖遷葉赫遂爲葉赫人忠廉善騎射有名將風見葉赫不足事率眾歸太祖葉赫遣兵要之遂北奔蒙古依巴林台吉以居因通蒙古文以巴林爲氏久之卒來歸

太祖嘉其誠授佐領隸鑲藍旗時天命九年也天聰元年歲
大歉斗粟八金傾困贖所屬畜積爲空

太宗特旨獎之以

國賦未充奏請與蒙古諸部落互市懋遷有無財用以
足從征明宵遠戰城北山岡執纛者傷取以進敵敗
迨至城濠三年從克明大安口戰勝玉田縣

太宗既取遵化簡之以守明年大軍棄遵化出邊以所部殿
擊敗敵兵來襲者授輕車都尉世職擢兵部參政考
滿晉世職二等尋裁參政改兵部理事官崇德三年
隨貝勒岳託征明薄燕京擊其總兵祖大壽及內監

高起潛兵敗之趨山東攻下濟南府明年師還取道
盤縣克其城晉世職一等坐他將爭功引證其事罰
錢五年從征虎爾哈部索倫兵五百據掛拉爾屯偕
承政索海理事官喀喀木攻破其柵斬級二百擒二
百三十人以歸明年從圍錦州明經略洪承疇營松
山數以步騎來犯擊之並卻去徐騰芳者恭順王孔
有德長史陷敵陳突入援以出七年錦州下以功兼
一雲騎尉順治元年從入山海關擊敗流賊李自成
其冬隨豫親王多鐸追賊至陝西與戰數勝遂克潼
關取西安明年移師江南偕都統恩格圖馬喇希等

取宜興崑山二縣晉男爵三年隨端重親王征浙江
追明總兵方國安於黃巖圍之敵勢旣困開一面縱
之出遂拔其城降偏裨二十兵八千有奇進征福建
先衆克分水關追明唐王朱聿鍵於汀州降漳州府
及漳平縣五年征南大將軍譚秦討江西叛鎮金聲
桓

命以前鋒統領參贊軍務遇

恩詔晉男爵二等尋疾譚秦就視之問所欲曰丈夫死王事
何憾有弟巴爾賽相從戎馬勞苦甚至願以襲爵委
署章京恩克參今權所轄佐領勤慎有守願授以章

京子弟不堪任也言竟而卒譚泰歎其公忠並奏如

所請弟巴爾賽襲

此據八旗通志滿洲名臣傳云子武山布襲

再遇

恩詔晉爵一等兼一雲騎尉

舒賽世居薩克達以地爲氏天命四年來歸

太祖隸滿洲鑲藍旗從收明總兵馬林等於尙閒崖以功授

騎都尉世職尋從征瓦爾喀多所俘獲晉二等輕車

都尉

太宗踐祚擢列十六大臣天聰元年從征朝鮮師還

命同都統阿山率兵駐守義州八年

太宗征明以鄭親王濟爾哈朗留守

盛京

命與副都統棠阿圖等副之初舒凌以驍勇稱凡攻戰輒被
繇甲先登

太宗壯之又慮其輕進數

詔自愛用是益感奮最其前後所下十六城至是

賜敕晉男爵崇德六年以疾卒順治十二年追諡壯敏於墓

道立碑孫席特庫襲爵

與姓佟佳氏者同名

子西蘭天聰八年

由佐領授騎都尉世職順治元年擢護軍參領隨副

都統鄂羅塞臣等征黑龍江生擒二十餘人尋隨豫

親王多鐸追討流賊李自成師次潼關三戰皆捷二

年隨貝勒博洛征江南招降松江府移師福建攻平
和縣克之以功兼一雲騎尉遇

恩詔晉輕車都尉七年卒長子席特庫既襲祖爵次子阿蘭
襲席特庫數征戰有功晉男爵二等

哈甯阿姓富察氏世居額宜湖父阿爾圖山丁未歲
率其族攻薩齊庫城殺部長喀穆蘇尼堪招撫三百
餘人來歸

太祖以任佐領隸滿洲鑲白旗後分編人戶

命哈甯阿亦任佐領天聰二年隨貝勒岳託征明錦州略松
山杏山高橋渚臺堡有功授護軍統領三年從

太祖征明燕京與其巡撫袁崇煥及總兵祖大壽戰廣渠門
外勝之授騎都尉世職明年奉

命以精兵百人略明境五年隨征明大凌河八年隨征明大
同先馳至小西城列攻具我軍乘以登尋以二十人
出略遇敵兵三百縱擊敗之明年偕承政圖爾格徇
地入明山西界師旋過平魯衛敵兵躡我後回軍與
戰敵卻追至城濠斬截無算累功晉二等輕車都尉
崇德元年從征明皮島有功明年列議政大臣三年
隨豫親王多鐸會鄭親王濟爾哈朗軍征明道出中
後所祖大壽輕兵來襲參領翁克及土默特兵先奔

哈賓阿且戰且進士卒多殞坐死

詔免死褫世職籍家產之半明年坐論征明失律佐領阿爾
大罪徇庇應死

詔宥而責之六年從圍明錦州其經略洪承疇集兵十三萬
赴援

太宗親統大軍環松山而營度明兵且遁

命同護軍統領鼐拜率左翼軍陳右翼地右翼軍以次遞列
屬之海濱夜漏下敵果循海走率軍掩擊敵自蹂躪
死者枕藉尋進攻松山累戰皆捷

惠敏恭和元妃之喪隨武英郡王阿濟格守高橋輔國公

扎喀納於軍中歌舞坐不舉劾逮繫尋釋之八年偕
護軍統領阿爾津征虎爾哈部獲男婦二千五百有
奇牲畜貂皮無算閏五月凱旋被

優賚順治元年隨睿親王多爾袞入山海關擊流賊李自成
追至望都大破其衆又偕都統譚泰率前鋒兵追敗
之正定賊焚輜重遁明年復授輕車都尉世職是年
擊賊綏德州賊望風遁追敗之延安府城中出援犯
我左翼軍擊之卻走時自成遁武昌追之道有賊衆
二百餘圍我軍五人馳騎援以出無敢擾者進至安
陸獲賊艘八十旋與譚泰合兵下江南戰揚子江奪

敵戰艦追至富池口敵陳岸上與戰再勝三年隨順
承郡王勒克德渾征湖廣流寇僞伯吳汝義降其眾
復晉世職爲二等其夏隨肅親王豪格擊敗叛鎮賀
珍於漢中逐北至三寨山山勢壁立賊黨武大定據
之未可攻圍之數日僞遊擊周克德遣子來降導軍
由僻徑登其守將石國璽爲內應偕副都統阿拉善
署護軍統領噶達渾以兵六百攀壘入賊自山墮崖
下者纍纍斬刈略盡進征張獻忠戰夔茂資三州及
遵義並捷五年師旋晉世職一等卒年六十子率顏
襲伊成格者哈甯阿弟也天命初以佐領從征伐越

天命崇德至順治初累立戰功予雲騎尉世職子伊勒慎襲康熙元年從征雲南二十九年從征噶爾丹戰烏爾布通並有功由佐領游擢西安副都統遷護軍統領旋擢都統三十四年再征噶爾丹撫遠大將軍費揚古統師西路

命參贊軍務有功晉世職騎都尉尋以年老致仕而哈甯阿族孫噶布喇順治六年從征大同叛鎮姜瓖再戰皆勝進至汾州進士鎮復敗之以功兼遇

恩詔授騎都尉世職所任未詳嗣數立戰功十六年從征福建攻鄭成功於廈門成功列戰艦六百艘於海上以

拒擊之小卻尋偕佟濟等往蓋峙山遇敵與戰沒於

陳

卹贈二等輕車都尉子噶林襲

達珠瑚姓兆佳氏世居訥殷祖曰達爾楚

國初來歸後隸滿洲正藍旗達珠瑚初任佐領從

太祖征烏喇斬級四十大軍克西林屯俘其人戶以歸敵眾
追襲回軍與戰敗之斬級五十尋率所部征葉赫斬
級三百俘五十人遇越界采獲者斬三十級俘六人
其戰甯古塔尤力功尤多敵來侵率護軍出禦陳斬
其將一兵百獲甲百副馬三百累授男爵天命十年

率兵征東海瓦爾喀凱旋

太祖出郊宴勞之明年征卦爾察部俘獲無算

太宗嗣位擢列十六大臣天聰元年從征朝鮮克義州留兵

駐守

命分統之等復征瓦爾喀部大獲且旋師爲俘卒所害年六

十有三子翁阿岱襲順治十二年

世祖與英古爾岱論國初功臣稱達珠瑚之忠追諡襄敏視

一品大臣例於墓道立碑先是天聰八年

太宗命征瓦爾喀

諭諸將曰前所遣達珠瑚疏忽遇害念其久著勞績許承襲

世職爾等無達珠瑚之功儻不自慎欲希格外之恩不可得也翁阿岱初任佐領既襲父爵管參領事隨都統巴奇
蘭薩穆什喀征虎爾哈部有功兼一雲騎尉崇德三年授工部副理事官明年擢都察院參政兼本旗副都統五年奉

命同副都統多積禮率兵防禦錦州稽察叛逃明年大軍圍錦州營城南山嶺明經略洪承疇集援師松山以步兵來犯我左翼禦之失利時守右翼率兵突出敵卻追擊之山下敗其騎兵復與參領鼇拜率護軍破敵步兵營

問被

優賚尋合兩翼兵擊敵松山薄營力戰殞焉

賜銀千兩晉爵一等男無子以弟之子濟木布襲

布丹姓富察氏世居葉赫故烏魯特貝子也天命七年率所部歸

太祖分轄葉赫人戶爲佐領後隸滿洲正紅旗天聰八年以前鋒參領從征明大同攻萬全左衛城先登克之被優賚子雲騎尉世職明年隨貝勒多鐸征明錦州師旋敵猝來襲都統石廷柱所部有被敵圍者陷陳援之出時太宗別遣師由歸化城征明山西

命與前鋒參領吳拜率兵百人駐上都城舊址偵軍事會奏
捷使至與俱還崇德元年隨武英郡王阿濟格征明
將入邊擒邏卒進敗敵騎兵連取雕鶻嶺長安嶺二
城並先登轉戰至涿州擒斬無算師還敵潛出居庸
關設伏要劫我輜重至則擊走之四年同前鋒參領
沙爾虎達等率土默特兵二百略宵遶北界敵堅壁
不出獲其樵采者以歸明年大軍圍錦州敵離城築
臺相犄角偕前鋒參領納海色赫蘇爾德馳擊斬四
十人又邀斬樵采者稱是敵再以三百騎至擊卻之
尋與納海等往小凌河明總兵祖大壽遺蒙古十七

人自錦州至殲之六年明經略洪承疇集援兵松山
犯我前鋒借諸參領禦之有斬獲尋擊敗杏山後敵
騎明年錦州下諭功晉世職騎都尉隨饒餘貝勒阿
巴泰征明入黃崖口趨薊州擊其總兵白騰蛟白廣
恩等軍敗之斬獲甚眾順治元年隨睿親王多爾袞
破流賊李自成黨唐通於一片石遂入山海關追賊
安肅及望都連戰皆捷以功兼一雲騎尉並世襲罔
替數遇

恩詔晉一等輕車都尉九年擢本旗蒙古副都統十一年卒
賜祭葬如故事諡勤毅子朔素理襲

法諱姓他塔喇氏世居長白山之瓦爾喀後隸滿洲
正紅旗初以護軍校從

太祖滅葉赫取明遼陽以功任佐領天聰元年從

太宗征明宵遠敗其兵於城北山岡射殪六人手刃二臂亦
為敵傷

賜馬二七年予騎都尉世職崇德三年隨貝勒岳託征明入
自牆子嶺敗密雲步兵趨山東攻郟城縣下之明年
隨承政薩穆什喀索海等征虎爾哈部攻克雅克薩
城六年大軍圍錦州明經略洪承疇據松山以兵犯
我右翼隨肅親王豪格擊卻之既大軍分圍松山敵

攻我前鋒營爲我軍所敗將奔塔山偕眾邀擊明兵
赴海死者無算八年隨鄭親王濟爾哈朗征甯遠攻
下前屯衛中後所二城順治元年任參領兼工部理
事官從入山海關以步兵擊敗流賊李自成兼一雲
騎尉明年隨順承郡王勒克德渾征湖廣三年自成
黨一隻虎犯荊州逆蹂其營賊敗潰遂北至宜昌自
成弟李孜及僞磁侯田見秀僞義侯張耐等並率眾
降考滿晉世職輕車都尉五年擢右翼步軍統領三
遇

恩詔晉世職一等兼一雲騎尉康熙元年以病致仕五年卒

年六十有四

賜祭葬如故事分世職以子鄂德襲三等輕車都尉色勒壁襲騎都尉兼一雲騎尉

託克推世居虎爾哈以地爲氏兄納罕泰長其屯天命四年同攜親屬及所部百餘戶來歸

太祖遣官迎之

御殿賜宴及裘服奴僕田宅器用馬牛投納罕泰理事大臣而以託克推任佐領隸滿洲正紅旗天聰三年遷護軍參領從征明入自龍井關遇三屯營哨卒斬五人獲馬七奉

命護糧敵兵來劫斬數人奪其纛遂卻去進會大軍攻克遵化州五年偕參領榜素等以兵百人至明錦州斬其哨卒擒間諜以歸其秋

太宗統師圍明大凌河城

命隨貝勒阿濟格率兵扼錦州松山要擊明兵赴援者敵自錦州來犯與戰敗之追至城下斬獲甚眾八年同都統阿山等略錦州多獲牛馬秋從

太宗征明大同凱旋出尙方堡遇察哈爾諸宰桑來歸命率兵護其家屬還

盛京累功予騎都尉世職明年偕護軍統領布哈等略

明邊境至甯遠獲馬牛百數擒七人既出邊敵兵千人來追布哈殿後戰死與參領阿濟拜及哈坦并力還擊敵敗去以所獲分

賚之崇德三年隨貝勒岳託征明出牆子嶺入邊越燕京趨山東圍臨邑縣督所部以雲梯攻克其城

賜良馬及銀明年擢本旗蒙古副都統崇德六年隨睿親王多爾袞圍明錦州擊其經略洪承疇援兵卻之猝爲敵礮所中明年以劄解副都統任順治元年起爲

陵寢總管明年卒年六十有三子摩和託襲

景固爾岱姓扎庫塔氏居虎爾哈部烏喇嘗招之降

不從及

太祖遣兵征東海渥集部聞之徒步來歸隨征虎爾哈部追
獲叛人偕眾攻取烏爾固辰路擒斬甚眾遂攜親屬
及所隸三十戶俱西任佐領後隸滿洲正白旗天命
三年從

太祖征明入自雅鶻圍攻河城克之擢參領仍兼佐領大軍
取遼陽瀋陽並在行間有功授二等輕車都尉世職
天聰八年

命同參領吳巴海率兵四百征瓦爾喀部招降屯長芬達哩
及其眾五百餘戶俘阿庫里尼滿部千餘人獲貂虎

等皮無算明年凱旋

命禮臣設宴迎勞卽以所獲分

賜晉世職一等崇德二年隨武英郡王攻明皮島克之

賜裘服鞍馬銀布駝牛諸物順治七年九年三遇

恩詔晉爵至二等男十一年卒

賜祭葬如故事諡曰忠直崇阿者其從弟也初任佐領天聰八年從征明大同略回雁堡我軍數人爲敵所圍怒馬挾其圍援出之崇德元年從征朝鮮破敵桃山村六年隨鄭親王濟爾哈朗圍明錦州有蒙古烏巴什等遣人約降我軍克其外郭敵猶巷戰借眾擊敗之

明年隨貝勒阿巴泰征明敗敵渾河轉戰至山東壽
光縣子雲騎尉世職順治元年既入關隨豫親王多
鐸追流賊李自成至潼關連敗賊眾明年從大軍進
浙江攻拔湖州府移師福建擊敗明唐王朱聿鍵兵
於福甯晉世職騎都尉五年隨征南大將軍譚泰討
江西叛鎮金聲桓敗賊黨王得仁於南昌其冬廣東
叛鎮李成棟犯贛州以應聲桓同副都統覺善往援
會巡撫劉武元總兵胡有陞等內外夾擊成棟大敗
單騎遁明年破賊兵二萬於南康進圍信豐克之成
棟墜水死凱旋以功晉世職輕車都尉數遇

恩部晉世職一等景固爾岱之卒也無子以崇阿襲二等男爵別以其弟之子巴音布襲一等輕車都尉十三年以景固爾岱親弟之子富勒都襲二等男爵仍復崇阿一等輕車都尉康熙十八年崇阿以疾乞休子采柱襲

錫圖庫姓烏札喇氏世居烏喇據滿洲名臣傳八旗通志云黑龍江人

兄福蘭當

太祖時率屬來歸子騎都尉世職後隸滿洲正白旗尋卒錫圖庫襲焉任佐領兼前鋒參領天聰四年大軍旣取明永平偕參領圖魯什等率兵徼巡敵境擒哨卒二

獲馬十有七明年奉

命偵敵大凌河得其要領道擒二人還旋從

太宗圍大凌河城擊敗錦州援兵六年從大軍征明宣府大
同分略邊外多所俘獲八年偕諸將略蒙古錫爾哈
錫伯圖地斬七十餘級獲戶口百餘及牲畜以還分

賜所獲累功晉世職一等輕車都尉九年同前鋒統領勞薩
等入明邊克長城略代州朔州斬獲甚眾崇德元年
隨睿親王多爾袞征明甯遠以二十人爲大軍先至
中後所及山海關東數擒哨卒獲其馬遇敵前屯衛
設伏擊敗之二十人無傷者初喀木尼漢部葉雷等

來歸居多博科地尋盜科爾沁部馬鞏妻孥遠遁追者輒爲所害奉

命率前鋒護軍往甯古塔會副都統吳巴海躡之事具吳巴海傳明年師還

太宗遣大臣迎五里宴勞晉爵一等男五年偕護軍統領濟席哈率所部並徵外藩敖漢奈曼烏喇特諸部兵征索倫部敗之於甘河擒叛酋博木博郭爾之弟布固德復追擒博木博郭爾籍戶口千餘獲馬數百明年師還

賜宴北驛館晉子爵擢本旗副都統七年隨貝勒巴泰征明

由薊州越燕京攻山東兗州克之坐所率右翼兵不
與左翼期會先出邊應罷副都統任

詔從寬罰銀百兩明年擢前鋒統領順治元年隨睿親王擊
敗流賊李自成黨唐通於一片石入山海關追賊於
三河擒其遊騎敗之安肅獲馬百餘進征山西同都
統葉臣等取太原擊敗偽磁侯田見秀於汾州又敗
賊絳州論功晉爵二等子時自成據陝西大軍由潼
關綏德兩路分進率兵會之至延安擊賊眾大捷自
成遁湖廣移師安陸至荆門殲賊無算獲船百餘三
年隨肅親王豪格征四川滅流賊張獻忠晉爵一等

子五年隨鄭親王濟爾哈朗征明桂王朱由榔時湖南郡邑多爲所據明年師次長沙偕前鋒統領努山先以兵渡江攻湘潭努山破北門錫圖庫破西門下之進克永興斬其總兵尹舉智杜貞明等獲馬七十船四百尋偕諸將定寶慶府及全州敵將焦璉等分三路來犯率所部擊卻之進克永安定道州七年凱旋

賜銀三百兩明年有訐告英親王阿濟格欲爲亂與聞其謀坐死

康喀賚姓瑚爾喀氏或曰虎爾哈氏世居新達謨

太祖時舉族來歸會初立佐領俾在其一隸滿洲鑲藍旗屢從征伐有功天聰元年

太宗嗣位設八大臣總管政務每旗一又設十六大臣理事聽訟每旗二於是與舒賽任鑲藍旗理事聽訟大臣有蒙古十五人自奉集堡叛逃偕正白鑲白兩旗大臣阿達海吳拜追之不及集眾至都爾弼十五人還闕吳拜傷於槍不追康喀賽益奮併力與阿達海殲之事

開被

優賚五年初設六部每部一員勒總管部務次日承政於是

與蒙阿圖祝世充龔努克爲工部承政崇德三年重定官制部留承政一改授本旗滿洲副都統尋卒子錫納海天聰九年隨睿親王多爾袞征察哈爾招降林丹汗子額哲以遣時每旗選二十人爲王府護衛錫納海與焉崇德三年隨睿親王征明越燕京由臨清直抵濟南五年隨鄭親王濟爾哈朗圍明錦州並有功鄭親王奏授二等護衛父卒襲管佐領明年復隨鄭親王圍錦州克其外郭明經略洪承疇率兵赴援同前鋒統領努山往偵遇其哨騎於杏山擊敗之獲其一騎旣而我左翼設伏松山以前鋒軍誘其援

兵至夾擊敵潰走奏捷

盛京還赴軍襲獲甯遠哨卒順治元年隨睿親王入山海關擊流賊李自成敗之追至望都多所斬馘子雲騎尉世職遷二等侍衛六年從平湖南凱旋兼任刑部郎中尋擢一等侍衛兩遇

恩詔晉世職輕車都尉十七年擢本旗滿洲副都統康熙元年同靖西將軍穆里瑪征郟襄流賊郝搖旗李來亨等三年會陝西湖廣四川三路兵討平之斬搖旗來亨走死茅麓山十年以疾乞休十二年卒

賜祭葬如故事孫道福色襲

孫達哩姓魯布哩氏世居葉赫

太祖取葉赫籍其人戶隸滿洲正黃旗以選充驍騎從征伐
每戰爲軍鋒雖創不退數被

賞賜崇德三年隨睿親王多爾兗征明由青山口入邊越燕
京轉戰至山東攻濟南府克之明年凱旋論功以弟
一人先登

賜號巴圖魯授二等輕車都尉世職兼管佐領順治七年在
戶部理事官明年遷護軍參領三遇

恩詔晉爵至二等男十二年擢本旗滿洲副都統十六年遷
護軍統領康熙二年流賊遺孽劉二虎郝搖旗李來

亨袁宗第等聚匿歸州興山閒

聖祖以都統穆里瑪爲靖西將軍都統圖海爲定西將軍統
八旗兵赴湖北會陝西四川兵合剿

命孫達哩領護軍與俱旣至戰數勝破其茅麓山老巢賊平
乃班師十二年

詔獎久著勞績諸大臣加太子少傅十四年卒年七十有三
賜祭葬如故事諡曰果壯子杭書襲改隸鑲白旗

薩璧翰姓納喇氏先世居輝發父三檀

太祖時率屬來歸任佐領隸滿洲正藍旗旣卒薩璧翰與兄

薩珠瑚授佐領輝發納喇氏族姓亦繁類爲

國爪牙殉疆場蓋有足多者

太宗嗣位以薩壁翰列十六大臣管本旗副都統事天聰五年擢戶部承政從

太宗圍明大淩河城其總兵祖大壽遣兵出犯禦之舍騎步戰薄其濠獲敵馬敵城上施礮石我軍有巴遜者沒於陳突入取其尸以還八年

太宗親征察哈爾以貝勒濟爾哈朗留守

盛京

命與副都統蒙阿圖副之考滿子騎都尉世職崇德二年大軍征朝鮮及明皮島凱旋與薩珠瑚舉貝子碩託匿

貝勒岳託所產馬及以死皮島廝役六人詭稱甲士
冒領賞賚碩託坐罰鍰薩璧翰族屬初隸碩託下至
是奉

命改隸饒餘貝勒阿巴泰旣而猶子吳達禮隨征朝鮮攜蓋
州駐防甲士爲廝役事覺坐失察革世職明年裁六
部承政各一員改吏部右參政四年列議政大臣六
年大軍圍明錦州其援兵自松山至與戰被創卒於
軍子漢楚哈承管佐領次子喀爾沁亦任佐領康熙
十三年擢護軍參領從討逆藩吳三桂攻沅江縣被

創

賚銀五十兩先後得功牌三十六三十五年隨撫遠大將軍
費揚古征噶爾丹戰於昭莫多有功予雲騎尉世職
漢楚哈子哈爾弼任一等侍衛康熙十八年隨甯海
將軍喇哈達征福建戰廈門陳沒

卹贈雲騎尉世職吳達禮自有傳見後瑚什費揚武並陸璧
翰弟也費揚武亦自有傳瑚什崇德二年以護軍參
領隨貝子碩託等征明皮島戰沒海上

卹贈雲騎尉世職子扈查祿襲六年從征明錦州順治元年
從入山海關擊流賊李自成並有功兼七年九年三
遇

恩詔晉世職二等輕車都尉歷官至副都統康熙十二年卒

於官

賜祭葬如例子扈必漢襲次子孟寶任侍衛康熙十三年亦

署參領從征逆裔吳三桂戰岳州陳沒

卹贈雲騎尉世職例不得傳以死事書之

費揚武以護軍校累遷參領崇德七年

太宗命饒餘貝勒阿巴泰征明以所部從甫入邊明山海關

總兵馬科迎戰擊敗其眾遂越燕京趨山東旣至膠

州敵兵千餘屯城外與戰敗之乘勝薄濱州磨兵樹

雲梯先登攻克其城師還明總督范志完總兵吳三

桂等分兵扼我歸路軍進輒以所部先驅並破走之
比出險則爲後殿輜重及所俘獲無或失者予雲騎
尉世職

太宗以賞薄

命管佐領事順治元年

世祖嗣位遣睿親王多爾袞應吳三桂之請率師入山海關
從破流賊李自成騎兵追擊至望都復敗之尋署護
軍統領隨豫親王多鐸追剿自成於陝西師次潼關
賊將劉宗敏等以眾拒戰率本旗護軍陳山下步騎
迭來犯連敗之進破其二營明年春豫親王移征江

南仍以所部從至揚州偕護軍統領固納岱伊勒都
齊等攻城南陽獲船甚夥師因以濟偕護軍統領阿
爾津追明福王朱由崧於蕪湖其總兵黃得功迎賊
中流矢死擊敗其眾獲船三十有奇尋隨端重親王
博洛征浙江偕前鋒統領鄂碩副都統卓布泰等擊
走明大學士馬士英於杭州擒其總兵一旋勦海甯
平湖二縣土賊平之獲明總兵王之仁戰艦十有六
其冬授議政大臣先是諭入闕破流賊功晉世職騎
都尉至是諭平江南浙江功兼一雲騎尉世襲罔替
四年大軍征福建

命仍署護軍統領與俱以疾卒於軍

特旨遣官致祭

吳遵禮薩珠瑚次子既從其祖三檀來歸任前鋒侍衛兼王府長史崇德八年擢國史院學士順治元年隨豫親王多鐸征河南陝西明年移師江南三年隨端重親王博洛征福建時明唐王朱聿鍵稱號福州爵鄭芝龍爲平國公大軍入閩聿鍵死芝龍擁兵觀望端重親王遣赴泉州招之芝龍降四年考滿予雲騎尉世職五年擢工部啟心郎八年調刑部三遇

恩詔晉世職輕車都尉十一年

世祖以八旗逃人日眾增設兵部督捕侍郎郎中員外主事等官別置廨署專理緝捕事擢爲左侍郎十三年以督察不嚴逃人緝獲者少坐贍徇降世職

詔以洗心滌慮改過自新會考滿廢一子入監其冬與右侍郎梁清遠疏陳四事一申禁奸棍窺探緝獲之犯一嚴懲解役疏縱竊盜之人一分晰誣告逃人坐罪之條一增許逃人自首銷檔之例得

旨如所請行十七年甄別部院諸臣以職司督捕弗任勞怨下部議處降世職爲騎都尉改通政司通政使

聖祖卽位擢吏部侍郎康熙五年因病解任八年起刑部侍郎

郎旋擢工部尙書十四年轉刑部十六年轉禮部尋轉吏部二十年致仕卒

賜祭葬如故事孫阿林襲歷官護軍統領吳達禮弟曰伊博克圖累從征伐有功順治六年洵任護軍參領再遇恩詔子世職騎都尉十一年從大軍征福建鄭成功師次烏龍港敵來拒眾不克渡以精銳八十人先之擊敗敵兵千餘戰福州及高溪並捷斬其總兵藍作霖等獲船十二十八年以署護軍統領偕征東將軍濟席哈討山東土寇于七有功尋坐事黜康熙九年起驍騎參領十三年署副都統隨順承郡王勒爾錦征逆藩

吳三桂克岳州十九年還京卒兄伊巴漢子伊爾都
以護軍參領兼佐領康熙十三年隨康親王傑書征
逆藩耿精忠戰沒

卹贈騎都尉世職雅賴

與覺羅者同名

賜姓吳達禮從弟也康熙十

三年逆藩吳三桂叛以王府長史奉

命署副都統與一等侍衛阿喀尼率兵駐防兗州尋

詔移鎮江甯又移江西南昌府其冬

命討彭澤湖口賊敗之小姑山賊守彭澤縣力攻克之進復

都昌縣招撫康山餘黨軍事小定爲疏通水道民賴

之明年偕護軍統領耶素等進討湖寇連戰烏歸寨

等處斬級二萬餘獲船九百復餘干縣進取廣昌至石峽陷賊伏中隕於礮

卹贈騎都尉世職

賜祭葬如典禮諡曰襄壯子班弟龔雅頰弟雅海任前鋒參領順治十七年隨安南將軍宗室羅託征福建破鄭成功於廈門獲船六百康熙十四年察哈爾部布爾尼叛隨信郡王鄂扎往征破賊於大魯累功予騎都尉世職

武善姓伊爾根覺羅氏世居呼納赫父噶蓋

太祖時來歸隸滿洲鑲黃旗從征兆佳城及攻訥殷之佛多

和寨取安褚拉庫路並有功洵列十六大臣奉

命與額爾德尼參訂

國書未歲坐事死先是大軍滅哈達擒其貝勒孟格布祿以歸旋謀逆噶蓋與善故坐之武善其長子初任佐領尋兼參領天命九年明皮島總兵毛文龍遣兵渡鴨綠江屯田諸島

太祖命與副都統楞額禮率兵襲擊斬級五百餘且焚其積聚事具楞額禮傳既而文龍復遣兵渡島焚房舍掠牛馬偕護軍參領滿都禮等率兵追之斬遊擊備禦各一千總二悉奪所掠以歸

太宗踐祚擢列十六大臣

命與諸將分略明錦州偕都統阿山率所部爲後隊受方略相機設伏防護所俘還奏稱

旨授輕車都尉世職崇德元年我使臣以互市至朝鮮義州偵知明兵潛入謙場遣騎馳奏

太宗命同吏部參政吉思哈率兵馳援至卽擊走之三年駐守歸化城土默特部長以喀爾喀扎薩克圖屯兵近地將犯城來告

太宗親統師往征與副都統吳巴海並從扎薩克圖引道遂還師吳巴海廝卒盜取軍糧坐徇隱革世職罷任尋

起工部參政時瓦爾喀諸蒙古皆隸版圖修職貢凡
通使及宴勞輒

命典其事順治元年卒官

